

Nefndarsvið Alþingis
Austurstræti 8-10
150 Reykjavík

Alþingi
Erindi nr. P 132/625
komudagur 13.1.2006

Reykjavík 12. janúar 2006

Umsögn Sálfræðingafélags Íslands um

frumvarp til laga
um breyting á almennum hegningarlögum, nr. 19 12. febrúar 1940
(heimilisofbeldi).
(Lagt fyrir Alþingi á 132. löggjafarþingi 2005-2006)

Sálfræðingafélag Íslands (SÍ) fagnar þeim áherslum sem fram koma í frumvarpi þessu og athugasemdum með því.

Athugasemdir SÍ við frumvarpið eru eftirfarandi:

Athygli vekur að aldraðra/fatlaðra er hvergi getið í athugasemdum við lagafrumvarpið þótt ráða megi af 1. og 3. gr. að þær taki til aldraðra/fatlaðra sem verða fyrir ofbeldi af hendi þeirra sem teljast *nákomnir* í þeirri merkingu sem þar er lögð í hugtakið. Þó er ekki augljóst að 1. og 3. gr. taki til aldraðra sem búa á stofnunum og verða fyrir ofbeldi af hálfu þeirra sem hafa umönnun þeirra með höndum. Ekki verður heldur séð að 1. og 3. gr. taki til annars umönnunartengds ofbeldis ss. ofbeldis gegn fötluðum á sambýlum.

SÍ bendir á mikilvægi þess að almenn hegningarlög veiti öldruðum og fötluðum sömu vernd gegn heimilisofbeldi og öðrum. Í ljósi þess að dvalar- og elliheimili og sambýli eru *heimili* í skilningi laganna er ofbeldi sem aldraðir/fatlaðir kunna að verða fyrir af hendi þeirra sem annast þá frá degi til dags í eðli sínu sambærilegt ofbeldi sem framið er af nákomnum. SÍ bendir á nauðsyn þess að taka af öll tvímæli um að 1. og 3. gr. taki til ofbeldis sem aldraðir/fatlaðir kunna þola við slíkar aðstæður.

SÍ hefur ekki aðrar athugasemdir við frumvarpið eða einstakar greinar þess að svo stöddu.

Reykjavík 3. janúar 2006

Sálfræðingafélag Íslands
Lágmúla 7
108 Reykjavík